



Ad hoc komisija Parlamentarne skupštine Bosne i
Hercegovine za sprovođenje postupka imenovanja
Vijeća Regulatorne agencije za komunikacije Bosne i
Hercegovine

Ad hoc komisija Parlamentarne skupštine Bosne i
Hercegovine za provođenje postupka imenovanja Vijeća
Regulatorne agencije za komunikacije Bosne i Hercegovine

Ad hoc povjerenstvo Parlamentarne skupštine Bosne i
Hercegovine za provođenje postupka imenovanja Vijeća
Regulatorne agencije za komunikacije Bosne i Hercegovine

Broj: 01,02-50-16-103-5-4/24
Sarajevo, 20.2.2024.

VIJEĆE MINISTARA BOSNE I HERCEGOVINE

n/r Borjane Krišto, predsjedavajuće

Trg BiH 1

Sarajevo

Predmet: Lista 14 najuspješnijih kandidata za članove Vijeća Regulatorne agencije za komunikacije Bosne i Hercegovine, dostavlja se

Na osnovu člana 39. stav (4) Zakona o komunikacijama („Službeni glasnik BiH“, br. 31/03, 75/06, 32/10 i 98/12), na prijedlog Vijeća ministara BiH, Parlamentarna skupština BiH je na 11. sjednici Predstavničkog doma, održanoj 21. 9. 2023, i na 10. sjednici Doma naroda, održanoj 4. 10. 2023, donijela Odluku o osnivanju Ad hoc komisije Parlamentarne skupštine BiH za provođenje postupka imenovanja Vijeća Regulatorne agencije za komunikacije BiH (u daljnjem tekstu: Ad hoc komisija).

U Ad hoc komisiju imenovani su sljedeći članovi: Jasmin Imamović, poslanik u Predstavničkom domu Parlamentarne skupštine BiH, Marina Pendeš, delegatkinja u Domu naroda Parlamentarne skupštine BiH, Snježana Novaković-Bursać, delegatkinja u Domu naroda Parlamentarne skupštine BiH, Davorka Topić-Stipić, Goran Krivić i Aida Daguda.

Odluka o imenovanju Ad hoc komisije objavljena je u „Službenom glasniku BiH“, broj 78/23. Na konstituirajućoj sjednici Ad hoc komisije, održanoj 23.11.2023, članovi Ad hoc komisije su za predsjedavajuću Ad hoc komisije izabrali Marinu Pendeš, za prvog zamjenika predsjedavajuće Jasmina Imamovića i za drugu zamjenicu predsjedavajuće Snježanu Novaković-Bursać.

U skladu sa standardima i rokovima propisanim Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03), te u skladu s članom 39. stav (4) Zakona o komunikacijama, zadatak Ad hoc komisije je da objavi javni konkurs i nakon provedene procedure utvrdi listu od 14 najuspješnijih kandidata, koju dostavlja Vijeću ministara BiH.

Javni konkurs objavljen je u „Službenom glasniku BiH - Oglasi“, broj 82/23 od 5. 12. 2023, „Službenom glasniku Brčko Distrikta BiH“, broj 39/23 od 5. 12. 2023, na internetskoj stranici Parlamentarne skupštine BiH, te u dnevnim listovima: „Glas Srpske“, „Oslobođenje“ i „Večernji list“.

Tekstom konkursa propisano je da, pored općih uslova, kandidat za člana Vijeća Agencije mora ispunjavati sljedeće posebne uslove propisane članom 39. stav (3) Zakona o komunikacijama:

- da ima završen fakultet, tehničkog ili društvenog smjera, VSS, odnosno po Bolonjskom sistemu studiranja najmanje 240 ECTS bodova;
- da ima najmanje pet godina radnog iskustva na poslovima iz djelokruga Agencije, utvrđenim Zakonom o komunikacijama;
- da poznaje problematiku poslovanja i emitiranja javnih i komercijalnih elektronskih medija i
- da ima iskustvo na poslovima telekomunikacija i emitiranja.

Ad hoc komisija je na 4. sjednici, održanoj 31. 1. 2024, konstatirala da se na javni konkurs prijavio 31 kandidat, te je nakon provjere formalno-pravne valjanosti, blagovremenosti i kompletnosti prijave kandidata, konstatirano da je urednu dokumentaciju dostavilo 29 kandidata koji su pozvani na intervju.

Ad hoc komisija je na 5. sjednici, održanoj 20. 2. 2024, obavila intervju s 28 kandidata od 29 pozvanih (jedan kandidat nije pristupio intervjuu), s ciljem utvrđivanja stručnosti i osposobljenosti kandidata za obavljanje traženih zadataka. Pitanja na intervjuu odnosila su se na provjeru podataka iz biografije i iskustava iz oblasti emitiranja i telekomunikacija. Ocjene članova Ad hoc komisije za svakog kandidata sabirale su se pojedinačno i dijelile s brojem članova u skladu s članom 12. stav (4) Poslovnika o radu Ad hoc komisije Parlamentarne skupštine BiH za provođenje postupka imenovanja članova Vijeća Regulatorne agencije za komunikacije BiH.

Prilikom sastavljanja liste 14 najuspješnijih kandidata, Ad hoc komisija poštovala je princip nacionalne zastupljenosti, kako je to predviđeno članom 3. stav (2) tačka (e) Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine, kao i ravnopravnu zastupljenost spolova, u skladu s članom 36. stav (4) Zakona o komunikacijama.

Na osnovu ranije konstatiranog, Ad hoc komisija je na 5. sjednici, održanoj 20. 2. 2024, utvrdila listu 14 najuspješnijih kandidata, kako slijedi:

Red. broj	Ime i prezime kandidata	Nacionalnost	Broj bodova
1.	Tomislav Volarić	Hrvat	49,7
2.	Tanja Andrić	Srpkinja	49,2
3.	Iza Razija Mešević	Bošnjakinja	48,8
4.	Vjekoslav Čerkez	Hrvat	48,5
5.	Damir Šehanović	Ostali	47,5
6.	Alma Čolo	Bošnjakinja	47,3
7.	Elmir Huremović	Bošnjak	46,8
8.	Ljubomir Zuber	Ostali	46,8
9.	Zoran Žuža	Srbin	45,6
10.	Vedran Buhovac	Hrvat	45,2
11.	Džemila Gavrkapetanović	Bošnjakinja	44,3
12.	Jasminka Krivokuća	Srpkinja	44,2
13.	Nevena Tomić Lučić	Srpkinja	43,8
14.	Bojan Petrić	Hrvat	40,2

Ad hoc komisija dostavlja listu 14 najuspješnijih kandidata za članove Vijeća Regulatorne agencije za komunikacije BiH Vijeću ministara BiH na daljnji postupak, kako bi Vijeće ministara BiH, u skladu s članom 39. stav (5) Zakona o komunikacijama, u roku od 30 dana od

dana prijema liste dostavilo Parlamentarnoj skupštini BiH prijedlog za imenovanje sedam članova Vijeća Agencije.

PREDSJEDAVAJUĆA AD HOC KOMISIJE

Marina Pendeš



Prilog: Biografije kandidata

Dostaviti:

- naslovu

- a/a